

# Ról an DPP

Oifig an  
Office of the



**Stiúrthóra Ionchúiseamh Poiblí**  
**Director of Public Prosecutions**




## Réamhrá

Tugtar míniú sa leabhrán seo go soiléir ar gach a ndéanann Oifig an Stiúirthóra Ionchúiseamh Poiblí. Déantar iarracht freagra a thabhairt ar na ceisteanna is minice a bhíonn ag daoine. Ní dhéileáiltear le gach cor a d'fhéadfadh a bheith ann agus níl sé beartaithe go mbeadh comhairle dlí as an leabhrán seo agat. Sa chás go bhfuil comhairle dlí de dhíth ort, ba chóir labhairt le haturnae.

Má bhíonn aon cheisteanna agat maidir le cad a tharlaíonn sa chúirt i rith trialach coireachta, léigh ár leabhrán eile 'Ag dul chuig an gCúirt mar Fhinné'. Chun cur síos níos mionsonraithe a fháil ar obair na hOifige, féach ar ár 'Treoirlínte d'Ionchúisitheoirí'.

Is féidir leat cóipeanna de na foilseacháin seo a iarraidh ón Oifig (féach na mionsonraí teagmhála ar leathanach 19) nó is féidir leat iad a léamh ar ár láithreán gréasáin **[www.dppireland.ie](http://www.dppireland.ie)**. Tá roinn ag an láithreán gréasáin seo chomh maith d'íospartaigh agus d'fhinnéithe a d'fhéadfadh a bheith ina chúnaimh duit.



## Mar eolas

Tá cóipeanna priontáilte den leabhrán seo ar fáil i nGaeilge agus i mBéarla ónar n-Oifig. Féach sonraí teagmhála ar leathanach 19.

Is féidir leat an leabhrán a íoschóipeáil in aon cheann de na teangacha seo a leanas ach cuairt a thabhairt ar an láithreán gréasáin **[www.dppireland.ie](http://www.dppireland.ie)**:

- Gaeilge
- Béarla
- Arabais
- Fraincis
- Laitvis
- Liotuáinis
- Polainnis
- Portaingéilis (Brasaíleach)
- Rómáinis
- Rúisis
- Síneach (Mandairínis)
- Spáinnis

# Clár

## Bunfhíricí

1. Cad a dhéanann an Stiúrthóir Ionchúiseamh Poiblí (DPP)? 7
2. Cad a dhéanann an Príomh-Aturnae Ionchúisimh? 7
3. An ndéanann an DPP imscrúdú ar choireanna? 7
4. An é an DPP a dhéanann ionchúiseamh maidir le gach cion coiriúil? 7
5. An bhfuil an DPP neamhspleách? 8
6. Cé atá in ann scríobh chuig an DPP faoi chás ar leith? 8
7. An bhfuil cineálacha éagsúla cionta coireachta ann? 9
8. An dtabharfaidh Oifig an DPP comhairle dlí dom? 9
9. An féidir liom gearán a dhéanamh le hOifig an DPP? 10

## Cinntí an DPP

10. Conas a dhéanann an DPP cinneadh maidir le hionchúiseamh? 10
11. Cad iad na cúiseanna a socróidh an DPP gan ionchúiseamh a dhéanamh maidir le cás? 11

12. Cá fhad a thógann sé ar an DPP cinneadh a dhéanamh? 12
13. An ndéanann an DPP cásanna a ionchúiseamh d'íospartaigh choireachta? 12
14. An dtugann an DPP cúiseanna le cinntí? 13
15. An bhféadfaidh duine cinneadh a dhéanann an DPP a athrú? 13
16. An féidir le híospartach coireachta bualadh le duine d'fhoireann an DPP chun cinneadh áirithe a phlé? 14
17. An féidir liom eolas ó chomhad ionchúisimh a fháil trí iarratas a dhéanamh faoin Acht um Shaoráil Faisnéise? 14
18. An gcuirfear in iúl don íospartach má roghnaíonn an DPP ionchúiseamh a dhéanamh? 14

### **Ag dul chuig an gCúirt**

19. Cad a tharlaíonn nuair a théann an cás chun cúirte? 15
20. Cad is féidir le híospartach a bheith ag súil ón bhfoireann ionchúisimh? 15
21. Cad atá i gceist le cruinniú roimh an triail? 16
22. An é an DPP a roghnaíonn an phianbhreith do dhuine a fhaightear ciontach? 16

## **Pianbhreith a Achomharc**

23. An féidir leis an DPP achomharc a dhéanamh i gcoinne pianbhreithe? 17
24. Cé hiad na daoine ar féidir leo a iarraidh ar an Stiúrthóir Ionchúiseamh Poiblí achomharc a dhéanamh i gcoinne pianbhreithe ró-thrócaireach? 17
25. Conas a dhéanann breithiúna sa chúirt achomhairc athbhreithniú ar phianbhreith? 18
- Conas teagmháil a dhéanamh le hOifig an DPP 19
  - Teagmhálacha úsáideacha eile 20
  - An tEagar atá ar Oifig an DPP 22
  - Innéacs 24







## **Bunfhíricí**

### **1. Cad a dhéanann an Stiúrthóir Ionchúiseamh Poiblí (DPP)?**

Socraíonn an DPP cibé an chóir daoine a chúiseamh nó nár chóir maidir le coireanna a dhéanamh– is é sin, an duine a 'ionchúiseamh'. Is é an DPP a shocraíonn an chúis a chuirfear i leith an duine freisin. Ó chuirtear tús leis an ionchúiseamh, is é Oifig an DPP a bhíonn freagrach as cás an ionchúisimh.

### **2. Cad a dhéanann an Príomh-Atur nae Ionchúisimh?**

Feidhmíonn an Príomh-Atur nae Ionchúisimh ina atur nae ag an DPP agus ina cheannasaí ar Rannán na nAtur nae in Oifig an DPP. Feidhmíonn foireann Rannán na nAtur nae thar ceann an DPP i ngach cás ar i mBaile Átha Cliath a bhíonn an chúirt. Feidhmíonn Atur nae Stáit Áitiúla thar ceann an DPP nuair is lasmuigh de Bhaile Átha Cliath a bhíonn an chúirt.

### **3. An ndéanann an DPP imscrúdú ar choireanna?**

Ní dhéanann. Is iad An Garda Síochána (na Gardaí) a dhéanann imscrúdú ar choireanna. Nuair a imscrúdaíonn na Gardaí coir tromchúiseach seolann siad comhad chuig an DPP agus cinntear an chúis atá le tionscnamh.

### **4. An é an DPP a dhéanann ionchúiseamh maidir le gach cion coiriúil?**

Is é an DPP a dhéanann ionchúiseamh i gcás gach coire tromchúiseach agus i gcás coireanna nach iad uaireanta. Os comhair breithimh agus giúiré sa Chúirt Chuarda nó sa

Phríomh-Chúirt Choiriúil a éistear na cásanna is tromchúisí. Is féidir cásanna tromchúiseacha a thabhairt os comhair triúr breitheamh gan ghiúiré sa Chúirt Choiriúil Speisialta freisin.

Is féidir leis na Gardaí ionchúiseamh i gcás coireanna nach bhfuil chomh tromchúiseach céanna. Ina dhiaidh sin féin, is in ainm an DPP a dhéantar an t-ionchúiseamh agus tá sé de cheart ag an DPP a rá leis na Gardaí conas ba chóir déileáil leis an gcás.

## **5. An bhfuil an DPP neamhspleách?**

Tá an DPP neamhspleách agus é ag déanamh cinntí. Is éard atá i gceist leis sin nach féidir le haon duine – lena n-áirítear an Rialtas nó na Gardaí – a thabhairt ar an DPP ionchúiseamh a thionscnamh in aon chás áirithe ná ní féidir leo cosc ar chur ar an DPP déanamh amhlaidh.

## **6. Cé atá in ann scríobh chuig an DPP faoi chás ar leith?**

Is féidir leis na daoine a leanas scríobh chuig an DPP faoi chás:

- íospartach coireachta;
- duine muinteartha le híospartach coireachta;
- duine cúisithe;
- duine muinteartha le duine cúisithe; nó
- dlíodóirí, dochtúirí agus oibrithe sóisialta thar cearn a gcliant.

Tá sé in aghaidh an dlí ag aon duine eile teagmháil a dhéanamh leis an DPP chun iarraidh air stop a chur le cás nó gan cás a ionchúiseamh.

## **7. An bhfuil cineálacha éagsúla cionta coireachta ann?**

Tá dhá chineál coire ann – cionta achoimre agus cionta indíotáilte.

### **Cionta Achoimre:**

- is cionta iad nach bhfuil chomh tromchúiseach sin;
- éisteann breitheamh iad gan ghiúiré sa Chúirt Dúiche;
- is tréimhse 12 mí an phianbhreith príosúnachta is troime maidir le cion amháin (ach féadfaidh an breitheamh i roinnt cásanna pianbhreith príosúnachta de 2 bhliain ar a mhéid a ghearradh sa chás go mbíonn níos mó ná aon chion amháin i gceist).

### **Cionta Indíotáilte:**

- is cionta níos tromhchúisí iad;
- éisteann breitheamh agus giúiré iad sa Chúirt Chuarda nó sa Phríomh-Chúirt Choiriúil;
- déileáiltear leo uaireanta sa Chúirt Choiriúil Speisialta ina suíonn triúr breitheamh gan ghiúiré;
- bíonn pionóis níos troime ann, lena n-áirítear príosúnacht saoil i gcás coireanna áirithe.

## **8. An dtabharfaidh Oifig an DPP comhairle dlí dom?**

Ní thugann Oifig an DPP comhairle dlí do bhaill den phobal. Má bhíonn ceist dlí agat, ba chóir duit sin a iarraidh ar d'aturnae.

## **9. An féidir liom gearán a dhéanamh le hOifig an DPP?**

Is féidir. Má bhíonn gearán agat maidir le mar a oibríonn Oifig an DPP is féidir leat teagmháil a dhéanamh linn ag an Oifig– féach ar na mionsonraí teagmhála ar leathanach 19.

## **Cinntí an DPP**

### **10. Conas a dhéanann an DPP cinneadh maidir le hionchúiseamh?**

Is ceist an-tábhachtach í an cheist i dtaobh ionchúiseamh a dhéanamh nó gan ionchúiseamh a dhéanamh. D'fhéadfadh an t-ionchúiseamh cuid mhór dochair a dhéanamh do dhuine fiú amháin sa chás go bhfaightear neamhchiontach é/í ina dhiaidh sin. Mar sin féin, áfach, is féidir le cinneadh gan ionchúiseamh a dhéanamh a bheith ina cúis le strus agus suaite mór d'íospartach coireachta. Mar sin, ní mór don DPP a mheas go cúramach an ndéanfar nó nach ndéanfar ionchúiseamh.

Nuair a chríochnaíonn na Gardaí ag imscrúdú cás, seoltar comhad chuig an DPP. Ní mór don DPP an comhad a léamh go cúramach agus cinneadh a dhéanamh i dtaobh an bhfuil dóthain fianaise ann chun duine a chúiseamh le cion. Caithfidh an breitheamh nó an giúiré a bheith cinnte – thar amhras réasúnach – go bhfuil duine ciontach. Ní leor é go gceapann siad gur dócha go bhfuil an duine ciontach.

Ar an ábhar sin, tá sé mar chabhair fios a bheith ag an duine go bhfuil fianaise neamhspleách ann chun tacú leis an méid atá á rá ag an íospartach. D'fhéadfadh go mbeadh na nithe a leanas i gceist leis an bhfianaise sin, mar shampla, fianaise ó fhinné neamhspleách nó fianaise mar méarlorg nó rian fola ina bhféadfadh faisnéis DNA a

bheith i gceist. Nuair a bhíonn fianaise neamhspleách ann bíonn an cás níos láidre ná cás nach bhfuil i gceist ann ach focal duine amháin i gcoinne focail dhuine eile.

## **11. Cad iad na cúiseanna a socróidh an DPP gan ionchúiseamh a dhéanamh maidir le cás?**

Easpa fianaise an chúis is mó a roghnaíonn an DPP gan cás a ionchúiseamh. Sa chás nach bhfuil dóthain fianaise ann chun a chur ina luí ar bhreitheamh agus ar ghiúiré thar amhras réasúnach go bhfuil duine ciontach, ní éireoidh leis an ionchúiseamh. Is éard a chaithfear a chinntiú an léiríonn an fhianaise ar fad atá ann go bhfuil an duine atá cúisithe ciontach thar amhras réasúnach.

I líon beag cásanna, cé go mbíonn an fhianaise láidir, déanann an DPP cinneadh gan ionchúiseamh a dhéanamh ar chúiseanna eile, mar shampla:

- sa chás nach bhfuil ocht mbliana déag slánaithe ag an gciontóir agus go bhféadfadh oifigeach promhaidh faoin gClár Athstiúrtha d'Ógánaigh maoirsiú a dhéanamh, seachas ionchúiseamh a dhéanamh;
- sa chás go dtugtar rabhadh do dhuine fásta faoin Scéim Rabhaidh do Dhaoine Fásta maidir le mionchionta áirithe seachas ionchúiseamh a dhéanamh; nó
- sa chás go bhfuil cúis mhaith éigin eile ann gan ionchúiseamh a dhéanamh, mar shampla sa chás go bhfuil an ciontóir ag fáil bháis ó bhreiteacht.

Is féidir leat teacht ar tuilleadh mionsonraí maidir leis an gcaoi a socraíonn an DPP ionchúiseamh a dhéanamh san fhoilseachán 'Treoirínte d'Ionchúisitheoirí'. Is féidir cóip

de na 'Treoiríníte' sin a iarraidh trí theagmháil a dhéanamh leis an Oifig (féach mionsonraí teagmhála ar leathanach 19) nó is féidir leat iad a léamh ag [www.dppireland.ie](http://www.dppireland.ie).

## **12. Cá fhad a thógann sé ar an DPP cinneadh a dhéanamh?**

Is cás ar leith gach cás agus breithníonn an DPP gach cás go cúramach. Mura bhfuil cás áirithe casta, déanfaidh an DPP cinneadh laistigh de chúpla seachtain. D'fhéadfadh an tréimhse sin a bheith níos faide mar gheall ar na cúiseanna seo a leanas:

- cásanna casta a bhíonn i gceist;
- tá méid mór fianaise le breithniú;
- tá níos mó ná duine cúisithe amháin i gceist sa chás; nó
- teastaíonn tuilleadh eolais ón DPP sula bhféadfaidh sé cinneadh a dhéanamh.

## **13. An ndéanann an DPP cásanna a ionchúiseamh d'íospartaigh choireachta?**

Déanann an DPP cásanna a ionchúiseamh thar ceann mhuintir na hÉireann, ní ar son duine aonair.

Ach cuirfidh an DPP san áireamh i gcónaí na hiarmhairtí don íospartach a ghabhann le cinneadh chun ionchúiseamh a dhéanamh nó gan ionchúiseamh a dhéanamh. Breithneoidh an DPP freisin tuairimí an íospartaigh nó teaghlach an íospartaigh.

Ní hiad tuairimí agus leasanna an íospartaigh amháin a chaithfear a bhreithniú áfach nuair atá cinneadh á dhéanamh i dtaobh ionchúiseamh a dhéanamh nó gan ionchúiseamh a dhéanamh.

## **14. An dtugann an DPP cúiseanna le cinntí?**

I bhformhór na gcásanna nuair a chinneann an DPP gan ionchúiseamh a dhéanamh, tugann sé na cúiseanna leis an gcinneadh sin don Gharda Síochána agus sin amháin nó do ghníomhaireacht imscrúdaithe eile. Coimeádtar na cúiseanna sin faoi rún daingean. Thacaigh roinnt cinntí san Ard-Chúirt agus sa Chúirt Uachtarach leis an bpolasaí sin le blianta beaga anuas.

Mar sin féin, faoi scéim phiólótach a tugadh isteach an 22 Deireadh Fómhair 2008 tugann an DPP cúiseanna faoi chinntí gan ionchúiseamh a dhéanamh i roinnt beag cásanna do dhaoine áirithe eile. Chun tuilleadh eolais a fháil ar an bpolasaí sin maidir le cúiseanna a thabhairt faoi chinntí, féach ar ár láithreán gréasáin, [www.dppireland.ie](http://www.dppireland.ie).

## **15. An bhféadfaidh duine cinneadh a dhéanann an DPP a athrú?**

Tá daoine áirithe ann ar féidir leo a iarraidh ar an DPP athbhreithniú a dhéanamh ar chinneadh atá déanta aige. Áirítear orthu:

- íospartach coireachta;
- duine muinteartha le híospartach coireachta;
- duine cúisithe;
- duine muinteartha le duine cúisithe; nó
- dlíodóirí, dochtúirí agus oibrithe sóisialta thar ceann a gcliant.

Is mar gheall go dtugann fianaise nua chun solais go minic a athraíonn an DPP a chinneadh.

## **16. An féidir le híospartach coireachta bualadh le duine d'fhoireann an DPP chun cinneadh áirithe a phlé?**

Ní féidir. Ní bhuaileann foireann Oifig an DPP le híospartaigh choireachta chun cinntí a phlé. Ach is féidir le híospartaigh choireachta scríobh chuig Oifig an DPP faoi chinneadh.

## **17. An féidir liom eolas ó chomhad ionchúisimh a fháil trí iarratas a dhéanamh faoin Acht um Shaoráil Faisnéise?**

Ní féidir. Luaitear san Acht um Shaoráil Faisnéise nach féidir ach taifid a bhaineann le riarachán ginearálta na hOifige a scaoileadh. Ciallaíonn sé sin nach féidir leatsa eolas a fháil ó chomhaid a bhaineann le cásanna ar leithligh.

## **18. An gcuirfear in iúl don íospartach má roghnaíonn an DPP ionchúiseamh a dhéanamh?**

Cuirfear. Coimeádfaidh an Garda a bheidh ag déanamh an imscrúdaithe an t-íospartach cothrom le dáta faoin dul chun cinn atá á dhéanamh maidir leis an gcás agus ba chóir don Gharda cinneadh an DPP a chur in iúl don íospartach nuair a dhéantar é. Sa chás go roghnaíonn an DPP cás a ionchúiseamh, ba chóir don Gharda a chur in iúl don íospartach am, dáta agus an áit a sheolfar an éisteacht chúirte.



## Ag dul chuig an gCúirt

### 19. Cad a tharlaíonn nuair a théann an cás chun cúirte?

Braitheann sin ar cion achoimre nó cion indíotáilte atá i gceist (féach ceist 7).

Maidir le cionta achoimre, is breitheamh sa Chúirt Dúiche a éistean an cás. D'fhéadfadh gur Garda nó atur nae ionchúisimh a chuirfeadh an cás i láthair sa chúirt.

Maidir le cionta indíotáilte, éistean breitheamh agus giúiré an cás agus ullmaíonn atur nae a bhíonn ag obair don DPP an cás don chúirt. Cuireann abhcóide a bhíonn ag gníomhú thar ceann an DPP an cás ionchúisimh os comhair na cúirte.

Is féidir níos mó eolais maidir lena dtarlaíonn sa chúirt le linn trialach coiriúla a fháil sa leabhrán Ag dul chuig an gCúirt mar Fhinné. Más mian leat cóip den leabhrán sin a fháil, déan teagmháil leis an Oifig (féach mionsonraí teagmhála ar leathanach 19).

### 20. Cad is féidir le híospartach a bheith ag súil ón bhfoireann ionchúisimh?

Oibreoidh an t-atur nae ionchúisimh leis an nGarda Síochána chun an t-íospartach a choimeád cothrom le dáta maidir le forbairtí an cháis. Maidir leis na cásanna níos tromchúisí, mar chionta gnéasacha nó coireanna foréigneacha, tairgfídh Oifig an DPP cruinniú roimh an triail (féach ceist 21) a shocrú don íospartach, nó do mhuintir íospartaigh atá básaithe. I bhformhór na gcásanna eile, is é/í an t-íospartach a lorgaíonn cruinniú roimh an triail.

## **21. Cad atá i gceist le cruinniú roimh an triail?**

Is é an cuspóir atá le cruinniú roimh an triail ná a mhíniú don íospartach cad a tharlaíonn sa chúirt. Is leis an nGarda a bhíonn i mbun an ionchúisimh, an t-atarnae ionchúisimh agus an abhcóide a bhíonn ag plé leis an gcás a bhíonn an cruinniú roimh an triail.

Ní cheadaítear d'abhcóidí ná d'atarnaetha plé a dhéanamh ar an bhfianaise iarbhír a thabharfaidh íospartaigh. Sin le nach féidir le duine ar bith a éileamh go dhúirt aon duine leis an bhfinné cad ba chóir a rá sa chúirt.

Tabharfaidh an Garda mionsonraí teagmhála na Líne Cabhrach d'Íospartaigh Choireachta – seirbhís tacaíochta ar an teileafón atá ansin d'íospartaigh choireachta – don íospartach. Féadfaidh an líne cabhrach mionsonraí teagmhála maidir le seirbhísí tacaíochta cúirte agus seirbhísí tacaíochta eile a thabhairt d'íospartaigh. 1850 211 407 uimhir na líne cabhrach nó seol téacs chuig 085 133 7711.

## **22. An é an DPP a roghnaíonn an phianbhreith do dhuine a fhaightear ciontach?**

Ní hé. Socraíonn an breitheamh an phianbhreith a ghearrtar arna bhunú ar an bhfianaise a cuireadh i láthair leis an ionchúiseamh agus leis an gcosaint. Déanann breithiúna cinntí freisin maidir leis na nithe seo a leanas:

- liostú dátaí cúirte;
- dátaí a shocrú do thrialacha; agus
- an é an chóir dáta trialach a athrú.

Tá na breithiúna neamhspleách de réir an Bhunreachtá.

## Pianbhreith a Achomharc

### **23. An féidir leis an DPP achomharc a dhéanamh i gcoinne pianbhreithe?**

Is féidir leis an DPP achomharc a dhéanamh i gcoinne pianbhreithe i gcás inar seoladh an triail sa Chúirt Chuarda, sa Phríomh-Chúirt Choiriúil nó sa Chúirt Choiriúil Speisialta. Ní féidir leis an DPP achomharc a dhéanamh i gcoinne pianbhreithe ón gCúirt Dúiche

Is féidir leis an DPP a iarraidh ar an gCúirt Achomhairc Choiriúil athbhreithniú a dhéanamh ar phianbhreith a cheapann sé atá 'ró-thrócaireach'. Ní mór don DPP athbhreithniú ar phianbhreith a dhéanamh laistigh de 28 lá ón dáta a ngearann an breitheamh an phianbhreith. I roinnt cásanna, féadann an DPP iarratas a dhéanamh ar bhreis ama chun athbhreithniú a iarraidh ach ní rachaidh an tréimhse sin thar 56 lá ó dháta na pianbhreithe.

### **24. Cé hiad na daoine ar féidir leo a iarraidh ar an DPP achomharc a dhéanamh i gcoinne pianbhreithe ró-thrócaireach?**

Is féidir leat a iarraidh ar an Stiúrthóir Ionchúiseamh Poiblí achomharc a dhéanamh i gcoinne pianbhreithe má bhaineann na nithe a leanas leat:

- is íospartach coireachta tú;
- is duine muinteartha le híospartach coireachta tú; nó
- is dochtúir, dlíodóir nó oibrí sóisialta tú thar ceann cliant.

## **25. Conas a dhéanann breithiúna sa Chúirt Achomhairc athbhreithniú ar phianbhreith?**

Léifidh na breithiúna sa Chúirt Achomhairc taifead i scríbhinn na trialach d'fhonn na húdair a bhí ag breitheamh na trialach le pianbhreith áirithe a ghearradh a léiriú. Ní mheasfaidh siad pianbhreith a bheith 'ró-thrócaireach' ach amháin má chreideann siad go raibh breitheamh na trialach mícheart de réir an dlí pianbhreith chomh bog sin a ghearradh.

Is léir nach n-éireoidh le hachomharc ach amháin i líon beag cásanna.

## **Conas teagmháil a dhéanamh le hOifig an DPP**

Is féidir leat teagmháil a dhéanamh leis an Oifig mar seo a leanas:

### **Oifig an Stiúrtóra Ionchúiseamh Poiblí**

Bóthar na hOtharlainne,  
Baile Átha Cliath 7.□□□□  
Teil: (01) 858 8500  
Faics: (01) 642 7406  
Láithreán Gréasáin: [www.dppireland.ie](http://www.dppireland.ie)

### **An Príomh-Atur nae Ionchúisimh**

Rannán na nAtur nae  
Oifig an Stiúrtóra Ionchúiseamh Poiblí  
90 Sráid an Rí Thuaidh  
Margadh na Feirme  
Baile Átha Cliath 7  
Teil: (01) 858 8500  
Faics: (01) 858 8555  
Láithreán Gréasáin: [www.dppireland.ie](http://www.dppireland.ie)

### **Atur nae Stáit Áitiúla**

Is féidir leatsa mionsonraí teagmhála do gach atur nae stáit áitiúil ar fud na tíre a fháil ón Oifig ag (01) 858 8500 agus ar an láithreán gréasáin sin againn ag [www.dppireland.ie](http://www.dppireland.ie)

## Teagmhálacha úsáideacha eile

### Líne Cabhrach d'Íospartaigh Choireachta

Teil: 1850 211 407

Téacs: 085 133 7711

Ríomhphost: [info@crimevictimshelpline.ie](mailto:info@crimevictimshelpline.ie)

Láithreán Gréasáin: [www.crimevictimshelpline.ie](http://www.crimevictimshelpline.ie)

### Seirbhísí Tacaíochta d'Íospartaigh

Is féidir leatsa teagmháil a dhéanamh leis an Líne Cabhrach d'Íospartaigh Choireachta (féach thuas) chun mionsonraí a fháil maidir le tacaíocht sa chúirt agus seirbhísí tacaíochta eile d'Íospartaigh.

### An tSeirbhís Chúirteanna

Oifig Eolais

Teach an Fhionnuisce

15/24 Sráid an Fhionnuisce Thuaidh

Margadh na Feirme

Baile Átha Cliath 7

Teil: (01) 888 6000

Faics: (01) 873 5250

Láithreán Gréasáin: [www.courts.ie](http://www.courts.ie)

### An Roinn Dlí agus Cirt agus Athchóirithe Dlí

94 Faiche Stiabhna

Baile Átha Cliath 2

Teil: (01) 602 8202

Faics: (01) 661 5461

Láithreán Gréasáin: [www.justice.ie](http://www.justice.ie)

### **Oifig Íospartaigh na Coireachta**

#### **An Coimisiún chun Tacú le Fulaingeoirí Coiriúlachta**

An Roinn Díl agus Cirt agus Athchóirithe Díl

51 Faiche Stiabhna

Baile Átha Cliath 2

Teil: (01) 602 8661

Faics: (01) 602 8634

Láithráin Gréasáin: [www.victimsofcrimeoffice.ie](http://www.victimsofcrimeoffice.ie)

[www.csvc.ie](http://www.csvc.ie)

### **An Binse Cúitimh i leith Díobhálacha Coiriúla**

13 Sráid Haiste Íochtarach

Baile Átha Cliath 2

Teil: (01) 661 0604

Faics: (01) 661 0598

### **An Bord um Chúnammh Dílíthiúil**

Sráid na Céibhe


Cathair Saidhbhín

Co. Chiarraí


Teil: (066) 947 1000

Faics: (066) 947 1035

Láithréan Gréasáin: [www.legalaidboard.ie](http://www.legalaidboard.ie)



## An tEagar atá ar Oifig an DPP







## Innéacs

An tAcht um Shaoráil Faisnéise	14
Aturnaetha Stáit Áitiúla	7, 19
Cionta achoimre	9
Cionta indíotáilte	9
Cinneadh a athbhreithniú	13
Cruinniú roimh an triail	16
Cúiseanna le cinntí	13
Líne Cabhrach d'Íospartaigh Choireachta	16, 20
Pianbhreith	17
Pianbhreith a achomharc	17
Príomh-Aturnae Ionchúisimh	7, 19



